

福建通志

第壹百冊

道士傳
滑稽傳
宦者傳
列仙傳
伶官傳

福建道士傳卷一

道之與仙不能無分別者仙本渺茫之事無已以紀載爲憑其有飛昇戶解諸明文者列入仙若隱形坐化之類或出邪術或不過正樂仍歸道士也

唐

張標閩處士有道術能通冥府每三五日輒卧如死而體僵不冷旣蘇多說冥事王保宣爲閩帥持章赴朝廷道路梗塞泛海溺死其孫侃留閩因家人疾延標禱冥府標曰見君之先人司職水府因言其家事委曲皆中人以爲神道州志

符契元福州人上都昊天觀道士也長慶初德行法術爲時所重云

閩書

五代

陳守元閩縣人爲道士以左道見信於閩王王延鈞延鈞作寶皇宮居之守元假資皇命慘忍延鈞僭號祀繼立尊守元爲天師愈信重之凡更易

將相刑罰選舉多與之議守元受賊請託靡所不至方益肆昶作二清殿
於禁中以黃金數千斤鑄寶皇及無始天尊老君像晝夜作樂焚香禱祝
政無大小皆傳寶皇命決之一國若狂迷重遇之亂守元易服將逃爲亂
兵殺死宮中春秋十國

譚紫霄泉州人幼爲道士初有道士陳守元者劙地得白札數十貯銅盞
中皆漢張道陵符篆朱墨如新不能用以授紫霄盡能通之紫霄遂自言
得道陵天心正法効鬼魅治疾病多效閻王王昶尊事之號金門羽客正
一先生閩亡遁居廬山棲隱洞學者百餘人武昌節度使何敬洙嘗殺女
奴投戶井中人無知者遇疾召紫霄中夜被髮仗劍考治見女厲自訴詰
旦屏人以語敬洙乃丹篆符置之疾良已廬山僧於溪濱創亭有大石堅
不可鏽紫霄往視曰此固易爾索杯水噀之命工施鐫應手如粉南唐後
主聞其名召見賜官階以紫金比諸蜀之杜光庭固辭不受金陵旣下紫
霄無疾卒年百餘歲葬之日有祥雲白鶴繞送之後言天心法者祖紫霄

隱游南
唐書

南

李良佐字元輔南唐元宗景之弟也性冲淡保大八年諱景訪道入武夷遂居焉舊觀在洲渚間景勅有司移廟今址賜額會仙冊封湧道冲和先生又鑄鐘重千餘鈞自金陵航海至閩良佐居武夷三十七載坐化於觀之清虛堂其弟元真適至藏蛻於觀後今武夷祀之以爲開山之祖武夷山志吳翁建寧人善卜閩太傅章氏愛將有張陳者後奔南唐南唐主命晉文徽征閩副以二將屯軍於五夫里二將召翁占之曰吉未幾王廷政降二將同文徽歸復次五夫召翁與語賚遺甚厚翁辭焉二將曰吾欲棄人間事與翁爲林泉交可乎翁乃爲築室山中今大將村小將村馬戰山鼓亭皆其遺迹也二將從翁學長生久之得道年皆百餘雅正通志

宋

吳崇岳泉州龍興觀道士辟穀多年而有神異漕使周渭贈以詩太平興國中詔入京都閣雅談

王中正舊名提長汀人咸平中遇羽士授以鉛汞黃金之術且戒曰非遇萬乘勿輕出挾其術走上饒佯狂呼呼坐流嶺南復遇羽士謂之曰姑矣他日遂逃至京師爲有司所捕供奉官張德權異之以聞上命皇城司劉承珪問狀中正回奏改今名賜對龍圖閣下具陳靈異獻所爲白金遂特授許州參軍祥符間每遇大典禮大工役率爲金以進景靈宮成進黃金四千九百兩白金萬有二千七百四十兩前後金累鉅萬詔書褒諭累官光祿大夫簡轂禮部尚書右神武衛大將軍後卒於京命內侍周懷正護喪事塑像景靈宮閣

書

廖藏將樂人累試不第周遊四方遇異人得養生要訣名聞於朝真宗召見賜茶話逾時藏進詩謝尋歸祀先塋辭烟舊去莫知所往閣

書

楊萬大崇安人好恬靜結茅武夷山漁樵山水夜則懸燈獨坐詩琴自隨一夕有道士叩門求宿萬大禮之久而益勤一日復來曰吾非世人也當歸洞天命舟欲與偕去萬大蹙然曰如二親未葬苟道士曰侍襄大事與

汝偕往因共舟至驥之豐樂里指漢濱秀峯曰汝某年月日奉親柩於此白狸眠處卽葬地也白狸趨候卽葬時也萬大果從其言葬焉宋祥符四年事也夢前道士來迎曰今汝家事畢當俱去矣覺卽沐浴更衣而逝年九十七或云楊榮卽萬大之後也

舊志

邱允元一作廸漳州人咸平庚子爲道士居本州天慶觀常遍遊名山祥符開授錄於龍虎山得道術能役鬼神慶曆丙戌賜蘭袍至和甲午賜號冲元大師治平甲辰自知卒日沐浴衣冠不疾而化

閩書

吳本產於清礁今海澨地世所稱吳真君者也少超悟長得道術不如草不授室業醫活人按病與藥如矢破的或吸氣噓水以飲病者雖沈痼奇怪叵曉之狀亦就痊愈於是病人交午於門無貴賤悉爲視療景祐六年蛻化於同安之白礁鄉人肖像祀之案同安志云吳真人名本由貢舉授御史於漳州白礁乘鶴昇天此全與閩書所載互異閩書不言本官御史亦無醫仁宗后事惟記永樂中文皇后患乳癰道人獻方牽紅絲繩乳上灸之后孔頓瘻間其居對在某所明日遣使訪之云有道人自言福建泉州人姓吳名本昨出試藥今未還也既不得道人所在遂入閩求而知

之皇后驚異勅封吳天醫靈妙惠真君保生大帝仍賜龍袍一襲閩書海澄縣青礁條又云吳真人本所產地也二礁相對其西曰白礁屬同安其東曰青礁屬海澄白礁有吳真人廟曰西宮青礁亦有廟曰東宮據此吳本產青礁而輻化於白礁明矣水旱疾疫欵謁如響部使者以廟額請賜名慈濟開禧三年草寇騷擾境上忽覩旗幟懼不敢入聞事封英惠侯後累封普祐真君道光舊志

洪氏女名聖保居莆田將軍巖修真十餘載年五十於惠安龍泉出家布衣一食或絕粒逾年皇祐末鄉人夜聞音樂聲晨興潔髮更衣而逝道光舊志韋道人不知何許人熙寧間往來邵武市中或寓寺觀初徐熙春市酒邑西門外有井道人每乞酒於婢婢與之道人無日不來熙春知之撻婢傷道人以百傷丸餌婢立愈併教之製方與水傾入井中再製卽取此水可療百病後服之多驗因名其井曰仙源井熙春後亦得道道光舊志

林守真自言永嘉人少爲奉化水軍有所悟削籍而歸熙寧中結庵長溪縣漱溪上衣敝裘寒暑不易或與新者付酒家不屑也一日設純陽會道流至者九十三人守真旅進旅退不出一語丙夜瞿然而作於廣廷中三

拜復位語隣坐曰吾當先行趺坐瞑目而逝探懷中有道札曰得行使
得去便去明月清風爲伴侶翼日有鶴舞庭中

道光舊志

謝祐沙縣人移居歷山嘗從黃裳學元豐五年從裳守泉州裳遣往建甯
遇異人於水晶宮留憩三日授以金符玉冊歸遂體骨不凡復師事薩真
人遂精道術元祐二年化去鄉人祀之有禱輒應紹興九年勅封顯烈尊
王淳熙十六年賜額正順閩書

曹四公元祐閒寧洋人生時香霧蒙山三晝夜不散因名其地爲香寮山
鄉有神每歲以童男女祀里人患之四公往詣廬山學禦妖術歸人間空
中金戈鐵馬聲神懼求活許其棲水尾潭後不爲厲紹聖閒大疫四公以
劙刺石液湧如水飲者立愈會洪水漂民田四公於壩上立壇令人以柳
枝天射水中少頃一巨蟒長丈餘浮水面斃紹興十年秋沐浴更衣而化

雍正舊志

歐陽仙清流人結廬於豐山順眞道院養眞修煉後坐化鄉人祀之水旱

福清舊志

迎致能動風雷隨車而雨

閩書

黃槐長溪人政和間舉進士第授徽州尹世亂挂冠學修煉術隱居斂迹垂釣鶴溪卒鄉人祠祀之水旱疾疫禱之必應

雍正舊志

張聲字鳴道不知何許人通易象辟穀煉氣得養生法宣和間遊延平結廬溪源山有范氏子從之夜忽有客叩門知爲異人拜求道術客取二丹遺范以銅之自是絕烟火食一日往郡西花心洞留一頌於舟躍入水識者謂爲水解去

南平縣志

徐知常字子中建陽人也能詩善屬文凡道儒典教與夫制作無不該曉方闡道教首預選掄校讎琅函玉笈之書無不精確畫神仙事蹟明其本末位置有序仙風道骨飄飄凌雲蓋善命意者也舊嘗有痼疾遇異人得修煉之術却藥謝醫以至引年白髮紅顏真有所得宣和中除藥珠殿侍

宸

宣和畫譜閩書

陳道長樂人與弟靈皆有道術能驅雷雨除祟宣和中召至京符咒輒驗

徽宗悅之俱封王爵歿後人多祀之

閩書

三公漳州人未詳其姓兄弟三人得導引修煉之方又善八門遁法嘗率鄉人禦賊草木皆兵賊遂敗後結茅篤惠里山中今龍巖地人覓之輒黃霧四塞不知其處里人名其山曰將山

閩書

梁野一名戴長汀人兵部郎中灝之弟自號野人居天慶觀左嘗遇神授以致錢之術每欲錢縮手一振錢輒盈袖益放曠歌酒施捨貧乏人目爲狂嘗久雨彌旬薪粒告盡母責之戴曰所須幾何母曰多益善爾翼朝戴引薪米數十擔從外來母曰善哉兒多固好顧安所得錢乎戴曰母幸無慮振袖償值一一如數無欠無餘母方異之天慶初灝守廬州野衣敝衣藍縷入謁灝命沐浴更衣拂而去忽不見求之弗得明午旂縣有告曰昨夜有道人抵宿晨起窺其室但見錢塲半壁不復見人灝遣官吏破戶見錢上有書云第野以烟蘿侶久俟不果進辭冀珍重有少錢煩有貧乏仍遺所服敝衣異香襲人殆非人間所有灝感歎久之自是不知所往

閩書

黃惠勝宣和間道人自永春來居安溪翠屏山之小尖峯嘗結臺峯頂曝身求雨後語入曰劉寶來吾庵其爲廳事乎遂徙居大尖初徙時尖有異光人怪之往觀則惠勝在焉因巖架屋屋用鐵瓦悉飛遞而至紹興中汀寇至鄉人築砦以禦之朝廷遣官捕寇兵果駐此其官劉姓寶名道光舊志

林虛極善鼓琴蚤歲爲道士籍名天慶觀年三十雲游名山宣和間至京師時與七科虛極中琴科引御奏琴稱賞凡八官召賜賚有加差知神霄玉清萬壽觀號金壇郎尋乞歸雍正舊志

張道成號欵菴長汀人少依梁教師學黃老術得業去後不知所終

饒松沙縣人不樂婚娶入山採薪遇二人奕視之忘返奕者曰可歸矣送之出遂落魄不羈爲人傭田識者謂其有道術時旱主家謂之曰聞君有道術能令水逆溢乎松穴地作坎引水逆上須臾溢漲每耕耨處有片雲覆之坐化毗山鄉民肖像祀之文天祥募兵勤王道經菴下士卒乏泉渴甚松幻一道者持壺漿犒之隨遍一軍天祥異之間所繇言姓名居止倏

不見入庵觀像，儼然持壺者也。事聞封祐正大師。

劉夢鼎崇安人母未孕時夢一羽衣手捧三足香爐至其家曰以此寄汝當有嘉應後孕十二月乃生因名夢鼎少聰敏博學師事侍宸黃雷因得清微道法。王行靈寶齋醮多有異應嘗於邵武九龍觀建黃籙大齋而枯井湧泉天降甘露四方從學翕然後沐浴坐化。

陳某侯官人世以巫顯往來興化縣郡中郡人疫癘經其呪治者皆全活沒而興化人祀之。

張與玉號霜崖福州人嘗遇異人授以秘訣煉伏火丹從黃宗師授雷法得飛神御氣之妙歲旱禱求立應。以上閩書

張自觀不知何許人。案舊通志張作陳列泉州方外續志據德化縣志改作張列永春方外皆以爲閩清人初煉性於德化蕉溪山石鼓巖見石牛山洞夜火晶熒知有魅因至其處魅方迎婦人家輿徒甚盛自觀出掌令人從指縫窺之魅悉現形其家大驚求治自觀乃幻爲女妝坐籃輿中羣魅昇之入洞自觀躍出與之鬪懸崖上下

趺踵入石數十處竟奪其洞坐化鎮之

道光舊志

陳以文字文仲同安人清修學道居天慶觀三十餘年守倪思雅敬之慶

元間賜號守素冲虛大師

閩書

棲霞山人寄居棲霞道院自號海門甚有道行且善書畫非賢士大夫不交人莫詳其名氏第稱之曰海門子後不知其所終

全上

郭道人不知其名字居武夷山自稱臥雲子能豫知人禍福紹興間潮州作洞賓純陽會有諸葛行正自號洞陽子道人遇諸塗言其平生事如目賈行正大異之卽挽歸事以師禮後道人坐化於武夷山昇真洞旁巖石上行正亦坐化於鐵板嶂

道光舊志

馮觀國邵武人游方外遇異人得內丹之法自稱無町畦道人好以詩贈人語多不可曉寓宜春二年言人吉凶盡驗或有謂其醉狂者觀國以詩誦之曰踏遍紅塵四百州幾多風月是良儕朝來應笑醜顏叟道不相伴風馬牛紹興中端坐而逝郡守李觀民爲塑其像於治平觀

八閩通志

吳十三道人建州人住本府仙游山給侍開善紹興庚申三月八日夜適然啟悟占偶呈善曰元來無繩錦觸着便光輝既是千金寶何須彈雀兒善答曰啐地折時眞慶快死生凡聖盡平沈仙游山下呵呵笑不負相期

宿昔心

閩書

蘇紹成德化人委業天慶觀後隱北山朱文公嘗造其廬書廉靜二字贈之且銘其琴曰養君中和之正性去子忿慾之邪心乾坤無言物有則我獨與汝鉤其深全上

趙永嘉初爲同安主簿廳卒後隱晉江金鞍山喚虎守室鄉人或饋之酬草一榦怪之棄以飼牛牛連日酣睡驚問永嘉復遺草解之始醒知其異再求不得名其草曰祥芝云嘗行山下遇同人寄語曰致意朱公蓋永嘉爲卒日適朱子在官也朱子嘗就訪之相與游覽山川之勝曰此地二百年後當爲車馬之區今永寧衛是也永嘉至元時尚存與虎岫僧嘉善往

來

道光舊志

莊元美案郝志作陀羅
仙名莊元非長溪人嘗夢游陰府吏命誦度人經且曰汝前生

陀羅天知之乎元美唯唯既覺朝夕受持不怠每誦經有五色蝸牛數百集花木上若諦聽者自是不食煙火乾道六年家人夜聞戶外有聲燭之見五色鳥大如掌高六尺許元美曰雙鸞至示吾期矣書偈而化

道光舊志

葉森南安高田人父廷顯母陳氏廷顯樂善好施嘗夜夢三桂交柯飛星入室晨興異香撲鼻未幾陳氏有娠淳熙十六年認森幼穎異獨居凌雲堂不茹葷不授室亦不與庸俗人偶吉凶禍福所言多奇中嘉定元年年二十歲一旦沐浴更衣端坐而逝鄉人立廟上官屢著靈異凡有祈禱如答受響嘉定末有功於世勅封威武惠澤尊王

南安縣志

郭公漳州人居郭邦社少游九侯山遇異人授異術每禦寇輒立奇功既歿有靈鄉人祀之

陳藥山福安人有道術能縮地驅雷降雪行符咒水逐瘟疫今祠祀之上

雍正舊志

楊虔誠龍溪人年十四棄俗入道自稱白衣道人歷住名山偶於天寶山
一夜坐遇見東北方有天燈雲旗之異遂自古谿吳峰至長泰天柱山止焉
有犬隨行蛇繞地若爲覓址者因卓錫其上鍊氣闔形後不知所之
邱公不詳其名坐煉於靈巖後石空中晝夜靜思頓然覺悟一旦坐化留
詩曰本是瀛州仙子徜徉元化洞天笑指蓬萊歸去沖飛杳入蒼煙人因
號其巖曰邱公

丁智清崇安蘆峯道人也少居邑之豐陽里聞人讀盤山頌遂大悟結庵
蘆峯能豫知人事一日謂人曰吾來日往迎曹王至分水遇焉遂同歸庵
中明日王下山人問宿何處王但回顧一指及問者至則智清已書曹王
一指庵矣

張道源德化人紹定中遇異人於九竇溪使負之渡曰我泰山佛傳汝心
印自是靈異一夕夢神人導往異境古木流泉石巖可居及登龍湖山宛
如夢中遂隱焉龍湖一名太湖後居安溪巖亦有湖仍以太湖名初構

巖時安溪有巨室山多杉木道源募之施其人曰視木末折者卽以相奉
頃刻風起木末盡折旣得木遠莫致忽自上頂湖中次第挺出匠告曰木
足矣乃止今木頭半挺尚在湖中以上道光舊志

陳朗字子彝德化人遇異人授以草履受而著之行疾如飛百里立至人
呼爲陳朗仙邑葛坑山上有陳仙跡雍正舊志

晏仙人失其名清流人生明溪田家樵蘇山閒見道人以啖餘半桃遺之
晏食已欲與語忽不見歸累日若醉若夢家人省問似不能言者旬餘少
愈不復煙火食所啗惟果實清泉而朱顏黑髮肌膚潤澤且能言人禍福
鄉人呼晏仙人道光舊志

陳麻哩長汀人學道廬山能以符呼役鬼神嘗馳祠中泥馬出入鄉人異
之塑像石玉廟葬演湖春漲水溢不能及墓亦仙跡也雍正舊志

饒公歸化人牧羊至瑤車嶺遇仙人弈授桃一顆自是得道在均山坐化
鄉人効像祀之南陽祈禱甚靈庵外有古井一口大椿樹八株相傳爲饒